



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1624. usque ad annum 1627

Fleury, Claude

August. Vind. [u.a.], 1778

VD18 90118863

§. 58. Pacis Consilia ab ipsis Hugonotis eversa.

[urn:nbn:de:hbz:466:1-67369](https://nbn-resolving.org/urn:nbn:de:hbz:466:1-67369)

Sæc. XVII. de perfidia suspectis, cum mille peditibus obsidentium impetus retundere statuit. Accurrunt opportune Suellio Duce Catholico vicini Nobiles, ac indigenæ Catholici, quorum conspectu Rohanæus, desideratis suorum ducentis, fuga dilapsus, Castrum, ubi Bethunia ipsius uxor propagandæ seditioni intenta agebat, reversus est, Viannæ prope pagum, cui Petrascata nomen, castra metatus; quo comperto Theminius Marefcallus, cui sæpe militaris audacia in gloriam cessit, per abruptam viam cum copiis suis accurrens, aggeres perrumpit, murisque superatis hostem fugat, cæditque.

§. LVIII.

Pacis consilia ab ipsis Hugonotis everfa.

Calmet Hist. Univ. l. 151. Cum igitur Calvinistæ rebelles armorum fortunam sibi infestam cernerent, ad Regis clementiam recurrere simulabant, spe freti, ficta submissione in sectæ suæ favorem, quicquid vellet, impetraturos, aut saltem temporis beneficio rebus suis potentius in futurum prospecturos. Acuebant quoque eorum fiduciam Britannæ Rex, Veneti, Sabaudi & Batavi, qui in Austriacæ Domus excidium conspirantes pro-

promovendæ inter Regem Christianissimum & Hugonotas paci totis viribus incumbentibus, ipsosque Rohanæum & Subisium, ut in pacem flecterentur, adigebant: Delegantur itaque ad Regem Oratores, qui die quinta Augusti ad alloquium admissi, audacter postulabant. I. Ut Nannetense edictum servaretur. II. Calvinianæ sectæ libertas, in omnibus locis, ubi antehac erat tolerata, concederetur. III. Cæmeteria, & Prædicantes ac Ministri suis officiis redderentur. IV. Hugonotæ ad reparandas Catholicorum Ecclesias non adstringerentur. Hisce conditionibus Rex se haud difficilem præbebat, Rupellenses tamen Calvinistæ nondum contenti, legesque Regi suo præscribere, non autem accipere assueti, palam declarabant, se nondum arma posituros, nisi prius arx Ludovicea ante triennium prope Rupellas constructa necnon Montpessulanum propugnaculum solo æquarentur. Hanc subditorum petulantiam indignatus Rex, bellum serio movere statuit: Ubi vero Rohanæus & Subisius recusatam a Rupellanis pacem inaudierunt, mox & ipsi terra marique Regios insequi decernebant, & quidem Subisius cum classe sua excurrens, omnes finitimas Regiones ferro flammaque vastabat, Roha-

Sæc. XVII.

A. C. 1625.

Sæc. XVII. Rohanæus vero ejus Frater terrestris
 A. C. 1625. expeditione Occidaniam depopulaba-
 tur, nullamque pacis spem reliquam
 faciebat, simulque rebelles in concepto
 Regem suum opprimendi proposito ma-
 gis obfirmatos reddebat.

§. LIX.

*Rebelles Calvinistæ terra marique
 Regis profligati.*

Daniel hist. de Franc. tom. 10. Neuvill. hist. d' Holland. tom. 2. cap. 5. part. 21. Inde Ludovicus Rex Calvinianæ sectæ indolem plene edoctus, sat luculentè prospexerat, quod contra subditos suos, quos nec clementiæ, oblatæque pacis media, nec Regiæ auctoritatis Reverentia ad obsequium revocare poterant, nonnisi ferro & armis sese in libertatem afferere cogeretur: serio igitur bellum in eos movere statuit, Batavosque rogavit, ut viginti navium classem, quam contra Genuenses instruxerant, Anglicæ septem navibus bellicis validæ classi, necnon decem Gallicis navigiis ductore Montmorantio Franciæ Architalasso jungerent, & Subisium tum sancti Martini ad Replagas oberrantem insequerentur: Interim Rex terrestrem expeditionem Toyrassio, San-Lucano & Rupifocaldio procurandam commisit: Tantisper maritimæ expeditionis successum retardæ-